

Un crisis pa Aruba y e region

Desgaste di e coralan den Caribe



E biologo marino, John Christopher Fine, a bin ta explora mas di 15 isla di Caribe y na cada un di nan el a observa un realidad tristo: e deterioro di e rifnan di coral.

E fenomeno aki, conoci como e morto di e coralan duro, no tin un causa unico, pero ta liga estrechamente cu e actividadnan humano cu ta contamina ocean y lama.

E uzo indiscrimina di pesticida, herbicida, fertilisante y sobreexplotacion di e recursonan natural ta contribui n'e desaster ecologico aki. Na hopi luga di Caribe, coral a muri of ta den proceso di descomposicion, loke ta afecta gravemente e biodiversidad marino.

A pesar di e esfuersonan pa salba nan, manera e aplicacion di penicilina riba e coralan na riesgo, e accionnan aki no ta resolve e raiz di e problema.

Na Aruba, e fenomeno aki tambe a laga su marca. E famoso barconan gesink, manera Antilla, ta muestra señal di malesa n'e coralan cu ta crece rond di dje. Aunke Aruba ta sigui ta un destino popular pa turista cu ta disfruta di buceo y snorkel, e salud di su rifnan ta den desgaste.

E esfuerso pa proteha e fauna marino no ta suficiente contra e creciente contaminacion y e desaroyo sin midi.

Sinembargo, den e region, algun destino anda ta muestra señal di speransa. E Islanan di Bahamas,

por ehempel, a logra mantene un poblacion saludabel di braincoral den su awanan poco profundo danki na su nivel abao di desaroyo rural.

Sinembargo, na luga manera St. Thomas y St. John, na US Virgin Islands, e rifnan ya no ta presenta coral bibo y na luga manera St. Maarten, e coralan duro a muri, mientras cu e coralan moli (of gorgonia) ta sigui saludabel.

E caso di Aruba ta particularmente preocupante. Aunke turismo ta sigui ta un fuente importante di entrada, e isla ta enfrenta un dificil decision: balansa e desaroyo cu e conservacion di su ambiente marino.

E aumento di contaminacion pa producto manera sunblock y e daño p'e practicanan di pesca insostenibel ta pone e futuro di su rifnan na peliger. Sin accion urgente, e salud di e coralan na Aruba y den Caribe en general por sigui deteriora, loke lo afecta no solamente e biodiversidad sino tambe e economia local dependiente di turismo y pesca.

Fuente: Divernet.com

HOLY COMMUNION

Celebrate your special day with
Hilton Aruba Caribbean Resort & Casino.

Contact our catering and events team
to learn about Holy Communion packages.

BOOK NOW

Lilian Polsbroek
Lilian.Polsbroek@hilton.com
526-6120

